

տանել հասցնել Գափրիժի դուռը, շնչաւոր մի անգամ չիմանայ»:

Սուլթան Մուրատ այս հովիւը հետն առած կը բռնէ Շահ-եօլիի ճանապարհն, ուղղակի կարին կը մանէ բոլորովին լեռներու զազաթից անցնելով և մինչև Պօլիս կը տանէ այս հովիւը, իրեն թագաւոր լինելը նմա կը յայտնէ, պատիւ կանէ, հլղաթ (պատուելու համար, զգեստ հագցնել) կը հագցնէ, Միր-չոպան անուշով տիտ դոս մի կտայ:

Սուլթան Մուրատ հրաման կարձակէ, մեծ բանակ մի կը կազմուի կարնոյ մէջ: Երբ ամեն բան կը պատրաստուի, հետը կը բերէ Միր-չոպանն, որ բանակին և Սուլթանին կառաջնորդէ մինչև Գափրէժ: Բանակը զիշերն առաջ կը դնար, իսկ ցերեկը Շահ-եօլու վերայ զտնուած բարձր լեռներու զազաթներու վերայ կը զետեղուէր, մինչև Գափրէժ զրաւեցին:

Սուլթան Մուրատ իւր փափաքին հասած լինելով ուղեց Միր-չոպանը բարձր պատուոյ հասցնել, իւր մեծ փաշաներու կարգը դասել. խոստացաւ նմա մինչև անգամ վազիրութեան աստիճան. «—ինչ որ թագաւորին տալ կարելի է, պիտի տամ քեզ, ասաց, խնդրէ, ինչ որ կուզես, բարի հովիւ»:

—Չէ, կասէ Միր չոպան, ինձ թագաւոր ևս կարգելու լինիս, հաճելի չէ ինձ, այլ միայն Ապաղայի դաշտն իմ իրաւանց յանձնէ, որ Մէհամդանայ կողմն զտնուած Եգտի ժողովուրդը բերեմ, միացնեմ Ապաղայի ժողովրդեան, որոց վերայ հսկեմ, որպէս զի թուրք և քուրդ ցեղերու ձեռք նեղութիւն չքաշեն: Այսն զի որչափ թուրքերու ձեռք, նորա քառապատիկը քրդերից կը հալածուին, կը նախատուին և ամեն զրկանք կը կրեն: